

幽南上啓朱陵之耀普提有識共證無爲尚  
 慮六道四生三途五苦業機自織終天輪轉  
 以無停罪網高張極地循環而莫已非賴提  
 樞之賜曷彰解脫之期欲望皇極垂慈蒼穹  
 錫宥降丹綸而赦過落滅惡根煥紫綵以除  
 愆疏澄善性於五削塵非於異薄蕩妄垢於玄曹  
 身近天階有侍衛送迎之喜神離幽禁无拘  
 留逼合之憂享六合之瓊羞沐三晨之靈景  
 逍遙碧落常臻福慶之期遊宴清虛永際太  
 平之運神形俱妙衣食自然遂商主懇切之  
 誠副大道慈悲之願所有真符謹當告下

告符

飛空步虛頌

關發

十二願

- 一願乾坤明素
- 二願氣象清玄
- 三願聖人萬壽
- 四願化洽八埏
- 五願天垂甘露
- 六願地發祥煙
- 七願四時應候
- 八願萬物生全
- 九願家多孝悌
- 十願國富才賢

十二願齋功廣被  
 存神復爐  
 十三願善瑞日臻

香官使者左右龍虎君侍香諸靈官當令  
 建齋之所自然生金液丹碧芝英百靈眾真  
 交會在此香火爐前今日學道得道求仙得  
 仙齋主受福幽顯沾恩十方仙童玉女侍衛  
 蘭煙傳日向來所啓之誠速達徑御  
 太上无極大道至真玉皇上帝 御前

迴轉頌

靈寶領教濟度金書卷之六十三

靈寶領教濟度金書卷之六十四

洞微高士開光救苦真人寶金真授  
 靈寶通玄弘教水南先生林靈真編  
 科儀立成品併供  
 大獻告札儀

靜默堂序立

華夏頌引至壇前

步虛 長跪上香

具位且其誠惶誠恐稽首頓首再拜上言  
 聞九清布化群靈咸遂於生成三洞流光萬  
 象均依於化育况顛冥於業網尤矜軫於淵  
 衷敢扣紫霄爰據丹悃今有齋主某乞就  
 處修設玉山淨供遵依大獻靈文普資幽沉  
 均超輪轉且職惟領教理合陳情切慮九趣  
 三途四生萬類悽慘慘化機鼓動於泉關  
 縮縮寥寥報障循環於冥路非賴帝恩之曲  
 映局令鬼爽之高躋頃奏朱章擬特頒於玉  
 札諒飛丹詔爲布告於玄曹茲召役之有期  
 冀感通之無外欲望慈雲覆履慧日流明許  
 微且如律以宣行勅有司關盟而遵奉下開

地禁上接天光猶細雨密霧而來普受開度  
皆飛空步虛而去不得拘留宇宙春臺乾坤  
壽域且下情不勝伺命之至

八門開度天尊

引札至神虎幕

灑淨 普獻頌

普獻無邊聖 香煙散十方 願乘七寶臺  
垂光五濁世 運度八天衆 咸令上法橋  
同會證無為 勤修不退轉

伏以上帝垂慈布仁風於八極下愚苦惱希  
法雨於九霄故清微宏七部之金書而赤明  
演三乘之玉範廣提冥漠不拯沉淪班列真  
曹北魁著雌雄之職恩周冥部東華建左右  
之曹有萬司如意之大神有九天普度之官  
將追魂攝魄寒庭被照育之仁聚精會神幽  
夜沐生成之惠將神召投盃盤懇祈以奉  
為某人修設玉山淨供普賽幽沉十方三界  
市區域以星羅六道四生列寔瀛而恭布欲  
宣威於玉札期散惠於金章匪仗威靈昌符  
應感輒奉頌繫之禮少摠葵藿之恭伏願天

駟載馳雲旌順動恣副再三之禱不違方寸  
之私清衆運誠至心奉請

至心奉請北魁玄範府神虎內真倒生玄司

七玉女追魂攝魄官吏陰陽玉札二十

四大將軍靈寶如意萬司主行玉札三

大神追攝諸類傷亡五十三大神九天

普度院追攝諸類傷亡三十六真人三

十六將軍守雄抱雌二大將二玉女四

大神玉清七道功曹玄虛掌六道四生

使者掌九州社令功曹掌十方道功曹

掌山林功曹掌城隍功曹靈寶玄壇諸

司追攝官吏本靖主將合屬官吏惟願

風馬雲車來屆香筵如受茲香花供養

初獻

伏以晨陽赫赫帝頌願詔以風行幽夜寥寥

神領龍章而雷震薄萬聖无私之惠敷九原

有造之仁仰企威靈夙欽聖武佐先天而立

極功典樞機贊太極以開圖等承帷帳陸離

劍佩騰蕩旌旄玉樹凌雲頃刻遍虛无之境

金戈耀日須臾周汗漫之鄉職司追攝之崇

位列班聯之右權衡攸在變化難量今有齊  
主其人憫念重泉於憐滯爽遵玄都大獻之

旨設玉山淨供之筵上降天恩下提地魄昔

追呼於六道咸嘯命於四生五苦三途九趣

萬類均離陰關而菴止俱朝陽景以超凌請

命帝庭已拜允俞之命敷心神御盡殫懇切

之忱諒宣德以承符必效勤而受事儀不及

物情見乎辭不揆辦香恪祈采暘

亞獻

伏以重泉碧落孰非道忝之提封紫簡丹章

悉藉神威之管領茲遵依於青律庸追攝於

幽關竄冀靈通廓施神變上召玄虛之主執

接引群迷下提黑壤之魂儀超離衆苦或淪

於刀兵疫癘或須於水火飢荒爰分文武僧

俗之殊勿問士農工商之別有主无主凶終

善終或曠野之游魂或寒林之寄影或慙愁

於地獄或凍餓於冥郊或胎卵濕化之流形

或鱗介羽毛之異性並乘丹絳攝赴玄壇俾

解脫於業緣各通達於道岸剋時定今母違

大道之章起死更生端藉同仁之惠奉奉素

惻切切洪恩

三獻 宣札

宣七玉女符 如意萬司符

九天普度符 諸使者符

宣牒

大章誕布壇律具嚴請密運於神功為速宣於帝澤凌雲掣雷擲火流鈴明檢鬼管勅寒池而部衛駿奔靈馭開地戶以追呼母負盟言自干玄憲敢有過截束送羅鄴一如靈寶玄壇律令

向來

大獻靈官醮儀

步虛 灑淨

入戶 各禮師存念如法

宣衛靈呪

元始虛皇 集炁居中 三境洞香 肇生宮際 七轉九虛 混合迴風 變化萬神 天地開通 吉日行道 萬靈敬從 晨暉朗照 默運元功 執節連塵 散花太空 十方普慶 劫運元終 真道合真

鳴法鼓二十四通

无上三天玄元始三炁太上道君召出自身中三五功曹左右官使者侍香金童傳言玉女五帝直符直日香官各三十二人出出者嚴裝關啓玄壇天帝神君當召此間土地里域真官正神急上關啓臣今奉為壽意以令性壇行道願得

玉清道炁靈寶妙炁下降流入臣等身中即使玄壇清淨內外成真天炁氣穢地絕祛塵琳琅振響十方肅清萬魔不干真誠上徹令

臣所啓之誠速達徑御

太上无極大道至真玉皇上帝 御前

請稱法位

具位姓某上啓

靈寶玄局玉山大變神王六龍普變靈官演降大梵靈官破獄司追攝司天醫司監生司五帝全形司解結司流濯司中司司鍊度司攝化司變鍊司填樞司給散司合屬仙靈臨壇受事一切威靈伏聞元始開闢三洞啓金書之秘虛皇演化九清昭玉範之玄開夜壑

以光明昭寒庭而化育玄曹燮理共揚慧日

之輝丹簡羅敷誕布慈雲之澤故列條案俾握機衡化雲厨而妙絕芳解破幽關而追提攝取九轉顯成人之功五靈昭復贊之功蕩萬古之冤輪洗千生之業網天經地緯迎水火於南昌陰坎陽離鍊形神於東井凡茲造化具有司存或列職於紫府玄都或建官於青玄黃錄上奉三天之令下敷九地之仁儻際齋修益伸皈向今齊主其人憐憫業類胥溺幽冥期垂曠蕩之恩庸拯沉淪之苦故陳

淪祭爰奉靈符伏望對菲不遺承天符而來下慈靈可鑒從民欲以照臨清眾運誠志心奉請

志心奉請靈寶玄局玉山大變神王六龍普變靈官演降大梵靈官青玄破獄入獄

出幽冥司官吏北魁玄範府倒生玄司

七玉女靈寶如意萬司諸大神九天普

度院三十六真人三十六將軍玉清七

道功曹天醫六職尚藥靈官九天監生

大神主產功曹五方五帝君吏靈寶追

追

塊聚杰功曹全形功曹混元十二杰化  
生大將軍靈寶解寃釋結靈官能談善  
說靈官聚魂復魄靈官脫形離苦靈官  
玉清攝魂屏穢靈官九鳳破穢靈官五  
方解穢官吏天河東井君浣淮夫人靈

寶巾司司仙吏青玄黃錄金太仙衣玉  
女曲度司普度司仙真靈官南昌上宮  
朱陵火府鍊度仙吏主水主火大將軍  
火池水沼使者火鈴靈童黃華玉女柳  
火萬里大將軍十二河源大將軍青玄黃

錄鍊度官吏玄都交龍金龍驛吏靈寶  
攝化司變鍊司攝極司給散司仙靈官  
吏臨壇受事一切威靈上遵帝勅下副  
凡情風馬雲車來臨法會

初獻

伏以傾光迴駕紫清洞煥於天恩監真度生  
丹赤服依於聖力仰惟神武夙著威靈修功  
行於五劫之先三靈推戴典樞機於九霄之  
上十極宣揚御節鉞以逶迤森佩環而容與  
霓章雲綬羽儀端拱於玄班月馭風輪函薄

周流於碧落承恩綸而下邁提苦爽以上征  
仁化羅敷德威煥耀今有齋主其人憫茲地  
類蕩彼天常遵藥友之真科建玉山之淨供  
尚慮九趣萬類六道四生陰陽寇於生前精  
神未復水火考於死後形骸猶羈沈寃業之

互禁與塵根之久積魂歸悲趣墮畏途非  
憑陶冶之神功曷使返還於祖杰囊封露泰  
已承楓禁之允俞駟騎風馳諒遍槐庭而播  
告願不違於悃愾庸恪副於忱恂

亞獻

伏以東極慈尊體清微而應化北鄴鬼帝拱  
紫極以承流玄曹恢廓於威風黑壤既流於  
聖日壇儀告備將開大獻之延惠澤敷施願  
鑒小心之切當局行事列職宣符六龍妙化  
於芳庭九鳳肅清於塵宇張門毀鎖振雄維  
提攝之威保真固靈鑿祭衛疾傷之患千寃  
開悟萬業消銷蕩陰垢之芬葩復陽靈之精  
粹華池澄湛天魔騰玉兔之輝炎治陸離地  
魄射金烏之影洗千生之死杰妙八景以生  
神穗上法橋徑登道岸庶藉神威之普被共

霏靈甄之步敷至於異類沉淪久循環於業  
趣亦賴同仁拯援俾還復於人身青律森嚴  
洪恩赫奕恪期應感不負敷庸

終獻

三獻既周一忱畢露願禱惟之暫駐勸英蕩  
以遵留伺臨召役之期重賜提挈之德銀潢  
散彩玉籟收聲黃道雲開溥十極慈悲之輝  
紫垣日近舒群靈功德之光帝有恩言神其  
善應其不勝激切屏營伺  
命之至

復爐

向來

靈寶領教濟度金書卷之六十四